

Уральск автомобильмүд

МИАСС. (Челябинск область). (ТАСС). Уральск автомобильмүд кедж гаргъдг кӧдлӧчнр, ачлгъна шин автомобиль кедж гаргългъна белдвр кеджӧцхӧнӧ. Заводин конструкторск бюро шин машинс гаргългъна кев-янз конструкц шинджлдж гӱӱтклгънӧ кӧдлмш нег цагла кегдджӧнӧ. Заводин ах инженер А. А. Андерс ТАСС-н корреспондентд иигдж келв: —Заводин ах конструктор С. Куровин гардврар, одахн предприятисын конструктор-

муд ачлгъна шин машинӧ конструкц кецхӧдж. Эн автомобиль ямаран чигн хаалгъар йовдж чадхмн.

Эн машинд 3,5 тонн аца ачдж болхмн, моторнь — 95 мӧрнӧ чидлтӧ, хурднарн болхла, икӧр гиснь часдан 75 километр кӱрнӧ. Ода экспериментальн цехин коллектив шин автомобилн дамылтин кец кеджӧцхӧнӧ. Июнь сарла негдгч кецинь шинджлдж хӧлӧлгън эклхмн.